1

0.0.1 dutiya kammasuttam

- 1. cattārimāni bhikkhave kammāni mayā sayam abhiññā sacchikatvā paveditāni. katamāni cattāri?
- 2. atthi bhikkhave kammam kanham kanhavipākam. atthi bhikkhave kammam sukkam sukkavipākam. atthi bhikkhave kammam kanhasukkam kanhasukkavipākam. atthi bhikkhave kammam akanham asukkam akanhaasukkavipākam kammakkhayāya samvattati.
- 3. katamañca bhikkhave kammam kanham kanhavipākam? idha bhikkhave ekacco sabyāpajjham kāyasankhāram abhisankhāroti, sabyāpajjham vacīsankhāram abhisankhāroti. sabyāpajjham manosankhāram abhisankhāroti. so sabyāpajjham kāyasankhāram abhisankhāritvā sabyāpajjham vacīsankhāram abhisankhāritvā sabyāpajjham manosankhāram abhisankhāritvā sabyāpajjham lokam upapajjati. tamenam sabyāpajjham lokam upapannam samānam sabyāpajjhā phassā phusanti. so sabyāpajjhehi phassehi phuṭṭho samāno sabyāpajjham vedanam vediyati ekantadukkham. seyyathāpi sattā nerayikā. idam vuccati bhikkhave kammam kanham kanhavipākam.
- 4. katamañca bhikkhave kammam sukkam sukkavipākam? idha bhikkhave ekacco abyāpajjham kāyasańkhāram abhisankhāroti, abyāpajjham vacīsankhāram abhisankhāroti, abyāpajjham manosankhāram abhisankhāroti. so abyāpajjham kāyasankhāram abhisankhā-

ritvā abyāpajjham vacīsankhāram abhisankhāritvā abyāpajjham manosankhāram abhisankhāritvā abyāpajjham lokam upapajjati. tamenam abyāpajjham lokam upapannam samānam abyāpajjhā phassā phusanti. so abyāpajjhehi phassehi phuṭṭho samāno abyāpajjham vedanam vediyati ekantasukham. seyyathāpi devā subhakinhā. idam vuccati bhikkhave kammam sukkam sukkavipākam.

- katamañca bhikkhave kammam kanhasukkam kanhasukkavipākam? idha bhikkhave ekacco sabyāpajjhampi abyapajjhampi kayasankharam abhisankharoti, sabyāpajjhampi abyāpajjhampi vacīsankhāram abhisankhāroti, sabyāpajjhampi abyāpajjhampi manosankhāram abhisankhāroti. so sabyāpajjhampi abyāpajjhampi kāyasankhāram abhisankhāritvā sabyāpajjhampi abyāpajjhampi vacīsankhāram abhisankhāritvā sabyāpajjhampi abyāpajjhampi manosankhāram abhisankhāritvā sabyāpajjhampi abyāpajjhampi lokam upapajjati. tamenam sabyāpajjhampi abyāpajjhampi lokam upapannam samānam sabyāpajjhāpi abyāpajjhāpi phassā phusanti. so sabyāpajjhehipi abyāpajjhehipi phassehi phuttho samāno sabyāpajjhampi abyāpajjhampi vedanam vediyati vokinnasukhadukkham. seyyathāpi manussā ekacce ca devā ekacce ca vinipātikā. idam vuccati bhikkhave kammam kanhasukkam kanhasukkavipākam.
- **6.** katamañca bhikkhave kammaṃ akaṇhaṃ asukkaṃ akaṇhaasukkavipākaṃ kammakkhayāya saṃvattati? ta-

tra bhikkhave yamidam kammam kanham kanhavipākam tassa pahānāya yā cetanā, yampidam kammam sukkam sukkavipākam tassa pahānāya yā cetanā, yampidam kammam kanhasukkam kanhasukkavipākam tassa pahānāya yā cetanā, idam vuccati bhikkhave kammam akanham asukkam akanha asukkavipākam kammakkhayāya samvattati.

7. imāni kho bhikkhave cattāri kammāni mayā sayam abhiññā sacchikatvā paveditānīti.